



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

VIII. Tauschvertrag zwischen den Klöstern Diesdorf und Marienthal über einige Güter in Berkling, Orthorp und Honstede, v. J. 1226, vom Propste Dieterich im Jahre 1230 bekundet.

Nutzungsbedingungen

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

parochiani de Dore et plures alii. Actum anno dominice incarnationis M^o. CC^o. XXIII^o. Datum per manus Thome notarii, regnante Domino Ihesu Christo.

Aus einem Transsumte des Bischofes Ludolph v. J. 1250.

VII. Herzog Otto von Braunschweig vereignet dem Kloster Diesdorf das Dorf Reddigan, im Dezember 1226.

In nomine sancte et indiuidue trinitatis, O. dei gratia Dux de Brunefuic omnibus in perpetuum. Cum omnia que sub tempore geruntur negocia cum ipso tempore defluant et recedant, non incaute confueuerunt homines priuilegiis et testibus suas actiones perhenniter stabilire. Notum igitur facimus tam futuris quam presentibus uniuersis, quod Wernerus de Medinge, fidelis noster, villam Ridegoue vendidit ecclesie in Distorp perpetuo possidendam. Ad quam vendicionem de bono consensu noster animus sic accessit, vt proprietatem eiusdem ville ipsi ecclesie assignaremus et daremus pro nostrorum remedio peccatorum et ut participes simus orationibus et laboribus, quos sanctimoniales ibidem domino incessanter studuerint exhibere. Actum est hoc anno dominice incarnationis M^o. CC^o. XXVI. in mense Decembris, testes sunt Geruafius prepositus in Ebbestorp, Chrachto, Theobaldus, Sigebandus, Thidericus de Monte, Geuehardus, Otto, magistri, Wernerus de Zwerin, Hartmannus et alii quam plures.

Gerfens Dipl. I, 428. 429. Beckmann's Beschreibung V, I, X, Sp. 144.

VIII. Kaufvertrag zwischen den Klöstern Diesdorf und Marienthal über einige Güter in Berkling, Orthorp und Honstede, v. J. 1226, vom Propste Dieterich im Jahre 1230 bekundet.

Theodericus, prepositus in Distorp, Omnibus hoc scriptum inspecturis salutem in uero salutari. Sicut modernorum discreta et laudabilia facta posteris solent benefaciendi materiam exhibere, ita plerumque quicquid sinistri committitur solet fomentum malis esse litigandi. Nos autem uolentes sinistre parti occasionem malignandi amouere, presenti pagina concambii formam, quod inter ecclesiam uallis beate Marie et ecclesiam eiusdem uirginis in Distorp contractum est, cunctis legentibus significamus in hunc modum. Ecclesia beate Marie in Distorp possedit mansos septem cum tribus areis annis XXII. in Berklinge omni proprietatis iure integre conseruato. Sed sperans aliquid commodi sibi exinde prouenire, si prefata bona pro bonis magis sibi contiguis commutaret, contigit concambium cum ecclesia uallis sancte Marie pro mansis XII in Orthorp

et duobus in honstede contrahere. Sed quum bona ecclesie vallis sancte Marie ab omni litonum grauamine fuerunt absoluta, bona autem ecclesie in Disthorp non sic, ecclesia iam memorata litonem suum absoluit in hanc formam. Friderundus et duo filii eius Theodericus et Henricus cum duobus fororibus suis sic sunt absoluti: prepositus ecclesie de disthorp assumpsit sibi prefatam Friderundem cum Heynico et duobus fororibus hac ratione, ut respectum habeant ad ecclesiam memoratam, Theodericus autem liberatus est. Insuper data ei sunt duo talenta et dimidium, et census, quem omnes tenebantur persolvere, computatus est ad XIII talenta, quem neglexerant persolvere, et huic censui renunciatum est ab ecclesia memorata. Gerardus autem et uxor eius, quod ecclesie prefate atinebat, accepit ut prefatis bonis renunciaret quatuor marcas argenti et de censu neglecto dimissa sunt ei talenta quatuor et libertata est ipsa cum omnibus pueris suis et prefatis bonis renunciauit tam in agris quam pratis et areis. Hildebrandus et Johannes, filii bruningi, ita sunt conciliati, quod Johannes minor natus elegit ad Ecclesiam nostram respectum habere quam absolui et ita se gracie nostre commisit et submisit. Hildebrandus autem de terra et domo patris exierat, ubi tunc eius habitatio foret nullus qui sciret extitit, et utrum denuo rediret nemo scire poterat; verum quia absolendus erat si rediret, Ecclesia vallis sancte Marie illud faciendum suscepit, et quia ecclesia nostra litonem omnes tenebatur absolueret, abbas et conventus vallis sancte Marie tres marcas retinuit de VI marcis, quas nobis superaddere tenebantur, ut de eisdem tribus marcis hildebrandus, si ueniret, absolueretur et si plus constare deberet in dampnum ecclesie vallis sancte Marie cederet, si minus in utilitatem. Celebratum est concambium hoc anno gracie M^o. CC^o. XXVI.

Post hec anno M^o. CC^o. XXX^o. primo venit iam dictus Hildebrandus restituere sibi bona sua ad excolendum aut ut compositione absolueretur amica petiuit, unde mediantibus viris discretis et consulentibus iam dictus Hildebrandus duas marcas accepit et dimidiam ab ecclesia vallis sancte Marie, ut bonis, ad que respectum habuit, renunciaret tam in prato quam in agris et areis. Huic actioni intererant henricus sacerdos de berklinge, bernardus miles, albertus et heribertus, magistri ciuium, henricus villicus vallis sancte marie. Promisit autem Godescalcus patruus eiusdem h. cum quatuor filiis suis, scilicet bruningo, Ekehardo, lud. et Johanne, quod eandem compositionem ratam seruarent et si quis vellet infringere, pro ea responderent. Hildebrandus autem veniens ad vallem sancte Marie iterum in presencia conuentus compositionem eandem firmavit, promissione ore et manu bonis renunciando. Huius rei testes sunt: abbas henricus, hermannus prior, Ludegerus cellarius maior, Conradus magister operis, hermannus stella, arnoldus grangarius, fridericus kamerarius; Milites autem rodolfus de bekethorp et bertrammus de wevelinge. Soror autem ipsorum cum censu, quem neglexerant, et cum domo, que in bonis locata fuerat, absoluebatur.

Aus dem im Herzogl. Landeshauptarchive zu Wolfenbüttel aufbewahrten Originale. — Pol. Keyser Opusc. 140. 141.